

中國近代史資料叢刊

# 義和團

(四)

中國史學會主編

上海人民出版社

# 義和團

十四

中國史學會主編

上海人民出版社

中國近代史資料叢刊

義和團

(全書四冊)

主編 中國史學會

編輯委員 徐特立 范文瀾 翦伯贊 陳垣 鄭振鐸  
胡繩 呂振羽 邵循正 白壽彝

編者 翦伯贊 楊濟安  
王其渠 金家瑞 林樹惠

\*

上海人民出版社出版

(上海紹興路54號)

上海市書刊出版業營業許可証出001號

上海新华印刷厂印刷

新华书店上海发行所发行 各地新华书店經售

\*

开本 850×1156毫米1/32 印張 70 11/16 插頁 14 字數 1,449,000

(版神州國光社印9,000部)

1957年6月新1版 1981年9月第3次印刷 印數1,801—6,800

統一書號：11074·109 定價：(十一)8.92元

封面設計：任 意

# 義和團資料叢刊第四冊目次

|           |       |     |     |
|-----------|-------|-----|-----|
| 有關義和團上諭   | 金家瑞   | 林樹惠 | 一   |
| 附包士傑輯拳時上諭 | 包士傑   |     | 二三  |
| 袁昶奏稿      | 袁昶    |     | 一五五 |
| 有關義和團輿論   | 王其渠   |     | 一六九 |
| 光緒庚子辛丑電報  | 故宮博物院 |     | 二七七 |
| 庚子勦匪電文錄   | 楊慕時   |     | 三三九 |
| 庚子教案函牘    | 祝芾    |     | 三六三 |
| 武垣定亂稟牘    | 馬毓桂   |     | 三九五 |
| 恆謙手札殘稿    | 恆謙    |     | 四二九 |
| 義和拳教門源流考  | 勞乃宣   |     | 四三一 |
| 續義和拳源流考   | 支碧湖   |     | 四四一 |
| 拳案雜存      | 勞乃宣   |     | 四四七 |

|             |     |    |
|-------------|-----|----|
| 庚子奉禁義和拳彙錄   | 勞乃宣 | 四七 |
| 辛丑和約條文      | 專錄  | 四九 |
| 有關義和團人物簡表   | 王其禎 | 五〇 |
| 辛丑條約簽字國公使表  | 楊濟安 | 五〇 |
| 各帝國主義的司令官事略 | 林樹惠 | 五〇 |
| 義和團書目解題     | 林樹惠 | 五三 |
|             | 翦伯贊 | 五七 |

有關義和團上諭



# 有關義和團上諭（輯自清德宗實錄）

林樹惠  
金家瑞輯

按實錄用于支紀日，今依據陳援庵先生中西回史日曆檢出其爲某日，附註於干支之下以便讀者。

光緒二十五年己亥二月

辛巳（初三） 山東巡撫張汝梅開缺，聽候查辦，以署江甯將軍毓賢爲山東巡撫，江甯副都統額勒春暫隸江甯將軍。

己亥（廿一） 諭軍機大臣等，電寄張汝梅：德兵遽赴沂境，昨已由總署電知該撫矣。海使無端煽聳尋釁，藉口於派兵助地方官護教，情殊叵測，已電諭呂海寰速向德外部剴切阻止。著張汝梅即行電飭夏辛酉，帶隊馳赴沂境，嚴加彈壓，會同地方官，實力保護教民，勿再滋釁。儻有造謠，以驅逐教民爲由，希圖生事之人，即行嚴拏從重懲辦。俾德人知朝廷一視同仁，無論民教，皆歸保護，此後不至再有攻擊之事，無煩德兵越俎代謀，屬其即速撤隊回膠，免滋口舌。張汝梅身任地方，責無旁貸，勿得存五日京兆之見，稍涉疏懈。

又諭，電寄呂海寰：東省沂州教案，疊經總署電咨張汝梅辦理完結。乃海使無端煽聳，由膠派兵赴沂，以官兵力有不足藉口。本日又降旨，電諭張汝梅迅飭登州鎮總兵夏辛酉，帶兵即赴沂州保護彈壓，調和民教，勿令滋事。著呂海寰即向該外部將朝廷保護德人之意，剴切宣告，勿煩德兵相助，諄屬勿聽海使播弄，有傷睦誼。並立即電阻膠澳德員，速止德兵，切勿赴沂，致生枝節，是爲至要。

癸卯（廿五） 諭軍機大臣等，電寄張汝梅等：有人奏，近來山東民教不和，屢屢滋釁，亦實不免有

虐待教民情事，以致彼教銜恨，藉事生風。此種情形，總由地方官平時不善開導，遂至睚眦報復，積怨成仇，口角細故，致釀巨案。著該撫諄飭各州縣，即行剴切曉諭士民，須知入教之人，同係朝廷赤子，與爾民生同里閭，自應誼篤睦鄰，不必因其習教，故存嫉惡之心，庶彼此相安無事。遇有詞訟，無論教不教，地方官總應一律持平辦理，毋得稍涉歧視，以期消患無形。將此電諭張汝梅知之，並移交毓賢一體遵照。尋毓賢奏：「東省教民不和由來已久，從前平民賤視教民，迨後彼強我弱，教民日見鴟張，橫行鄉里，魚肉良民，斷無虐待教民之事，嗣後遇有詞訟，無論民教，仍一律持平辦理。」得旨，即著督飭地方官，隨時多方開導，務令民教相安。

甲辰（廿六）諭軍機大臣等，張汝梅電奏：「二十二日上午，有德兵一隊，到蘭山縣之韓家村、白蓮峪村等處，攆逐居人，焚燒房屋柴草，幸未傷人，該縣驗明後，即妥爲撫卹」等語。日照德兵未退，現又分隊到蘭山滋擾，似此情形，恐至釀成巨禍。著毓賢嚴飭地方官，相機妥爲彈壓，嚴密布置，以防意外之變。一面飛催夏辛酉，迅速兼程前進。事機緊迫，兩國兵隊，若相距太遠，何以彈壓保護。該撫務須密飭夏辛酉，相機因應，固不可過於激烈，亦不可稍涉畏葸，總以不動聲色，暗爲布置妥協，設有意外，不至倉猝失措爲要。將此由五百里諭令知之。

又諭，電寄張汝梅，電悉。德兵在蘭山縣、韓家村等處，焚燒房屋，深恐激成事端。著仍遵旨，嚴飭地方官，妥爲彈壓，嚴密布置。一面飛催夏辛酉，迅速兼程前進，相機彈壓保護，總以不動聲色，暗中布置爲妥協，設有意外，不致倉猝失措爲要。

又諭，電寄奎俊，有人奏，川省教案疊出，多由人心向來浮動，與教爲仇，地方官平日既不開誠勸導，遇

事又往往聽斷失平，以致激成釁端。須知無論民教，朝廷一視同仁，各該地方當剴切曉諭，俾民間里閭同居，互釋嫌怨，勿因細故逞忿，遂啓禍機。總之民教皆良莠不齊，彈壓撫綏，全是有司之責，平日盡心於此，自能消患無形。著奎俊諄飭所屬遵照。儻有意存偏袒，或一味顛預，遇有教案，不卽持平辦理，致生枝節，卽著從嚴參處。

丁未（廿九）諭軍機大臣等，電寄張汝梅，德兵在日照踞守城門，情殊叵測。著張汝梅迅飭夏辛酉酌留兵隊於蘭山駐防，該總兵卽尅日帶營馳赴日照，相機布置，妥爲彈壓，以資鎮懾。

三月

己酉（初二）諭軍機大臣等，電寄毓賢，山東教案疊出，人心浮動，遇有交涉事件，不可不慎。現德兵尙在日照，業經疊諭張汝梅，飭夏辛酉帶隊前往彈壓，明示保護，暗爲防範。毓賢接任後，應仍遵前旨，慎重辦理，相機因應。如果一味蠻橫，固不得事事忍讓，無所底止，尤不得稍涉孟浪，釁自我開。疆臣辦事，總須爲國家通籌全局，期無後患，不宜顧一時毀譽，率意徑行，是爲至要。特此密諭知之。

四月

丁亥（初十）諭軍機大臣等，電寄毓賢，近日膠澳是何情形？德人有無舉動？毓賢身膺疆寄，自應常川派人確探，豫籌防範，不得行所無事。著該撫於接奉此旨後，將青島一帶德兵，現在作何布置，其附近各地方應如何相機因應，分別設防，及沂州各屬，有無德人踪跡，均隨時詳晰電聞，勿稍大意。

戊戌（廿一）諭軍機大臣等，電寄毓賢，電悉，日照德兵雖退，惟沿海地方緊要，仍須嚴密防範，東省

兵力，尙嫌單薄，著毓賢通盤籌畫，再行酌募四五營，訓練成軍，擇要扼紮，毋稍大意。

五月

甲子（十八）諭軍機大臣等，電寄毓賢，電悉，既經嚴飭實力保護，乃德兵仍必欲至高密，著毓賢亦即迅速派隊前往，相機彈壓，妥爲防範，毋得觀望。一面諄飭地方官切實開導，以弭釁端。

六月

丁丑（初一）諭軍機大臣等，有人奏，德國構覺侵權，亟宜妥爲防範一摺，所陳慎選守令，講求約章，係爲辦理民教案件，華洋交涉起見，分駐巡兵在附近膠州各邑，及查勘鐵路經過處所，往來梭巡，於保護之中，隱寓鈴制之意，先事豫防，不無裨益，應即查照辦理。惟須選擇素有紀律之統將，申明約束，毋致滋生事端。其遴員駐膠一條，請由撫臣遴調諳練洋務大員，駐紮膠州，專辦交涉事件。著毓賢體察情形，斟酌辦理。山東地方緊要，昨經諭令該撫，酌籌餽項，添練勁旅，著將此次條陳各節，一併妥籌，迅速具奏。原摺著抄給閱看。將此諭令知之。尋奏，款絀將寡，先募佐字中前兩營，以資倡率，俟籌的款選有將領，即添募會操，冀成勁旅。至慎選牧令，講求約章各節，現在即墨、高密等縣知縣，均以辦理交涉不善撤回，飭司另委諳練之員接署。其分駐巡兵，及遴員駐膠各節，俟與德員商訂妥洽，分別酌辦。得旨，即著飭司籌定的款，陸續添募，以資防範。

戊子（十二）諭軍機大臣等，有人奏，教堂被毀賠款，宜詳查酌估，並請將川省昭信股票存銀，移作賠款，勿再攤派等語。各省教堂，偶有被毀之處，華人之充教士者，往往嗾使勾串，動索鉅款，甚至數十百萬，以致賠款愈多，教堂愈添，教案亦因之疊起，種種膠轕，需索無厭。此次教案賠款，經奎俊悉心酌減，辦理尙屬妥

協。著卽督飭地方印委各官，從速查議，早爲一律了結，毋再宕延。據稱各省打毀教堂，分別官賠民賠，著有專條，並著隨案酌覈辦理。至所奏昭信股票一項，尙存銀七十餘萬兩，上年因勦辦余蠻子，該督曾請截銀五十萬兩，添募勇營，余蠻子旋即就撫，此項當有贏餘，能否移作賠款，免致攤派民間，著該督體察情形，分別覈辦。又片奏，川省民教涉訟，平民呈詞，自稱曰蟻，請飭禁等語。嗣後川省民間一切呈詞，理應自稱民人，不准再沿稱蟻陋習。原片二件，著鈔給閱看。將此諭令知之。

十月

乙亥（初一） 諭軍機大臣等：有人奏，民教構釁，地方官辦理不善，恐釀巨案一摺。據稱山東平原縣境內，民教因事忿爭，教民賄串蠹役，妄報村民謀變，該署縣蔣楷，遽行飛稟，請兵彈壓，以致營官不察虛實，縱兵開槍，並有擄掠情事等語。近來各處教案疊出，全賴地方官操縱得法，方能消患未萌。若如所奏辦理情形，殊屬乖謬。著毓賢遴派妥員，秉公查辦，務卽從速訊結，毋任釀成事端。並將辦理不善之員，查明參奏。原摺著抄給閱看。將此諭令知之。

壬辰（十八） 諭軍機大臣等，毓賢奏，平原民教忿爭一案，遵旨查明覆陳一摺，覽奏情節殊屬支離，其掩護情形，難逃洞鑒。署平原縣蔣楷，辦事謬妄，幾釀大禍，著卽行革職，永不敘用。營官袁世敦，行爲孟浪，縱勇擾民，著一併革職。該撫僅請將袁世敦，發交袁世凱軍營歷練，顯係意存瞻徇，豈封疆大吏所宜出此。毓賢，著傳旨申飭。將此諭令知之。

癸巳（十九） 諭軍機大臣等：現在時勢日艱，各國虎視眈眈，爭先入我堂奧。以中國目下財力兵力

而論，斷無覺自我開之理。惟是事變之來，實逼處此，萬一強敵憑陵，脅我以萬不能允之事，亦惟有理直氣壯，敵愾同仇，勝敗情形，非所逆計也。近來各省督撫，每遇中外交涉重大事件，往往豫梗一和字於胸中，遂至臨時毫無準備，此等錮習，實爲辜恩負國之尤。茲特嚴行申諭，嗣後儻遇萬不得已之事，非戰不能結局者，如業經宣戰，萬無卽行議和之理，各省督撫，必須同心協力，不分畛域，督飭將士，克敵致果，和之一字，不但不可出諸口，並且不可存諸心。以中國地大物博，幅員數萬里，人丁數萬萬，苟能矢忠君愛國之誠，又何強敵之可懼，正不必化干戈爲玉帛，專恃折衝尊俎也。將此通諭知之。

又諭：近聞山東各屬，時有匪徒藉仇教爲名，聚衆煽惑，屢釀巨案，若不早加鎮懾，勢將滋蔓難圖。著毓賢體察情形，密飭地方文武，加意撫綏彈壓，務期消息未萌。又自上月以來，意大利兵艦多艘，游弋烟臺等處，殊爲叵測，東海邊防，尤應及時籌備。著袁世凱酌撥所部各營，選派得力將官，統帶操演行軍隊，先赴德州，迤邐而前，繞往沂州一帶地方，相機屯紮，隨時操演，藉可就近防範。該侍郎務當嚴飭派往統帶將官，認真約束兵丁，毋得稍涉疏縱，致滋事端，是爲至要。將此各諭令知之。

庚子（廿六） 諭軍機大臣等：近聞山東地方，有大刀會、紅拳會各種名目，多係不逞之徒，藉鬧教爲名，結黨橫行，欺壓良善，地方文武彈壓緝捕，俱不得力，巡撫毓賢，又固執成見，以爲與教民爲難者，卽係良民，不免意存偏袒，似此因循日久，必致滋生事端。該撫身任封圻，遇事總須持平辦理，消息未萌，豈得沽一己之名，竟置大局於不顧。著卽督飭所屬文武各員，查明各種會匪名目，嚴行禁止。儻敢仍前聚衆，藉鬧教爲名，結黨滋事，並著從嚴懲辦，以靖地方。將此諭令知之。

十一月

戊申（初四） 命山東巡撫毓賢，來京陛見，以工部右侍郎袁世凱署山東巡撫。

戊辰（廿四） 諭軍機大臣等：有人奏，山東民教不和，亟宜持平辦理一摺，所奏語多中肯，其推原民教情形，亦確切近日情事。著袁世凱嚴飭各屬，遇有民教之案，持平辦理，不可徒恃兵力，轉致民心惶惑。總之操縱之妙，在乎平時，地方官果爲衆情所服，遇事自不難化大爲小，化有爲無。其所陳慎重兵端，整頓吏治，尤爲扼要之論。原摺著鈔給閱看。將此諭令知之。

又諭：有人奏，請飭嚴拏會匪以靖地方一摺，據稱各處會匪，名目甚多，有興中、安清道友、袍哥、天地、哥弟、三合、三點、大刀、小刀等名目，潛匿各省，而營伍廢弛，兵弁或有入會者，捕役卯冊，匪徒亦有含混挂名者，地方官不能嚴拏重懲，致令益無忌憚，請飭嚴拏等語。著步軍統領衙門、順天府、五城御史，嚴密查拏，遇有破獲，著卽從優議獎。並著通行各直省將軍督撫，一體從嚴緝拏，以清盜源而靖地方。原摺均著鈔給閱看。將此各諭令知之。

辛未（廿七） 諭軍機大臣等，電寄袁世凱：電悉，前因屢有人奏陳山東民教不和，亟宜持平辦理等語，當於二十四日，詳切寄諭該署撫遵照矣。拳民聚衆滋事，萬無寬縱釀禍之理。惟目前辦法，總以弭患未然爲第一要義。如已尋擊官兵，始終抗拒，卽須勦辦，示以兵威，亦應詳查案情，分別辦理，不可一意勦擊，致令鉅而走險，激成大禍。著袁世凱相機設法，慎之又慎，嚴飭吉燦升、馬金鈺等隨機因應，各了各案，毋輕聽謠傳，任令營員貪功喜事，稍涉操切。儻辦理不善，以致腹地騷動，惟袁世凱是問。將此諭令知之。

十二月

丙子（初三）諭軍機大臣等：前因屢有人奏，山東民教不合，亟宜持平辦理，業經疊次諭令袁世凱慎重籌辦。茲復有人奏，東省民心未定，宜速籌開解鎮撫之方，並慮及該署撫一意主勦，致滋事端等語。山東民教不和，總以引患未然爲第一要義，前兩次寄諭，至爲詳盡，諒該署撫必能體察情形，分別辦理，斷不至一味操切，以致激成巨禍，有負委任。此摺著鈔給閱看。該署撫惟當懷遵前旨，相機設法，慎之又慎，仍隨時就案了案，以期引患無形，是爲至要。將此諭令知之。

丁丑（初四）諭內閣：袁世凱電奏，山東平陰、肥城兩縣匪徒聚衆滋事，將教士架至毛家鋪地方，該署撫多方設法購救，並派馬隊兜拏，卒以防護不及，教士被匪徒殺害等語。覽奏，殊深惋惜。各國傳教，載在約章，疊經諭令各該督撫，督飭地方官，隨事隨時，認真保護，奚止三令五申，乃山東地方，竟有教士被害之事，該地方文武各員，事前疏於防範，已屬咎無可辭，若不即將兇犯趕緊緝獲，尙復成何事體。著袁世凱迅將疏防之該管各官，先行參處，一面勒限嚴緝兇犯，務獲懲辦，以靖地方而敦鄰好。

諭軍機大臣等，電寄袁世凱：電悉，事雖出於防護不及，惟案關交涉，亟應嚴飭會同，督同肥城、平陰兩縣，趕緊將兇犯如限緝獲，從嚴懲辦，以昭儆戒。另電辦理高密一案情形併悉，派兵彈壓，雖照約應行咨明，究之權操自我，務須嚴飭派往營官，相機極力保護，毋任藉滋口實。

丁酉（廿四）硃諭：朕以冲齡，入繼大統，仰承皇太后垂簾聽政，殷勤教誨，鉅細無遺。迨親政後，復際時艱，亟宜振奮圖治，敬報慈恩，卽以仰副穆宗毅皇帝付託之重。乃自上年以來，氣體違和，庶政殷繁，時虞叢

朕惟念宗社至重，是以籲懇皇太后訓政。一年有餘，朕躬總未康復，郊壇宗社諸大祀，弗克親行。值茲時事艱難，仰見深宮宵旰憂勞，不遑暇逸，撫躬循省，寢饋難安。敬念祖宗締造之艱，深恐弗克負荷，且追維入繼之初，恭奉皇太后懿旨，俟朕生有皇子，即承繼穆宗毅皇帝爲嗣，此天下臣民所共知者也。乃朕痼疾在躬，艱於誕育，以致穆宗毅皇帝嗣續無人，統系所關，至爲重大。憂思及此，無地自容。諸病何能望愈。用是叩懇聖慈，於近支宗室中，慎簡元良，爲穆宗毅皇帝立嗣，以爲將來大統之歸。再四懇求，始蒙俯允，以多羅端郡王載漪之子溥儀，承繼爲穆宗毅皇帝之子。欽承懿旨，感幸莫名，謹當仰遵慈訓，封載漪之子溥儀爲皇子，以綿統緒。將此通諭知之。

二十六年庚子正月

癸亥（廿日）諭軍機大臣等：總理各國事務衙門奏，請飭嚴禁拳會一摺。上年據山東巡撫電稱，各屬義和拳會，以仇教爲名，到處滋擾，並及直隸南境一帶，疊經諭令直隸山東督撫，派兵彈壓。此種私立會名，聚衆生事，若不嚴行禁止，恐愚民被其煽惑，蔓延日廣，迫釀成巨案，不得不用兵勦辦，所傷實多。朝廷不忍不教而誅，着直隸山東各督撫，剴切出示曉諭，嚴行禁止。俾百姓咸知私立會名，皆屬違禁犯法，務宜革除惡習，勉爲良民。儻仍有執迷不悟，復蹈故轍，即行從嚴懲辦，勿稍寬縱。至民教同爲編氓，凡遇此等詞訟案件，該地方官務當秉公審斷，但分曲直，不分民教，不得稍有偏倚，用副朝廷一視同仁之至意。將此各諭令知之。

二月

丙戌（十四日）調……山東巡撫毓賢，爲山西巡撫，實授袁世凱爲山東巡撫。

三月

乙卯（十三日）直隸總督裕祿奏，義和拳會蔓延直境，遵旨派員帶隊督同地方官，妥爲彈壓，並出示嚴禁，得旨，卽著隨時認真查禁，毋稍疏懈。

庚申（十八日）諭內閣：各省鄉民設團自衛，保護身家，本古人守望相助之理，果能安分守法，原可聽其自便。但恐其間良莠不齊，或藉端與教民爲難，不知朝廷一視同仁，本無畛域，該民人等所當仰體此意，無得懷私逞忿，致起釁端，自干咎戾。著各省督撫嚴飭地方官，隨時剴切曉諭，務使各循本業，永久相安，庶無負諄諄誥誡之意。

甲子（廿二）諭軍機大臣等：前據裕祿奏稱，直隸地方有外來之義和拳會，到處煽誘愚民，藉辭與教民尋釁，現在設法彈壓解散等語。畿輔重地，豈可任令匪徒糾結，滋生事端。提督梅東益、道員張蓮芬，在直年久，熟悉地方情形，應卽責成該二員相機辦理，切實開導。諭以民教皆朝廷赤子，食毛踐土，自應彼此永遠相安。遇有兩造爭執之案，論是非不分民教，務在持平辦理，毋稍偏徇。民間學習拳技，自衛身家，亦止論其匪不匪，不必問其會不會。是在該督嚴飭地方官吏，準情酌理，因應得宜，非朝廷所能遙制也。將此諭令知之。

四月

甲戌（初三）諭軍機大臣等：有人奏，義和團蔓延日甚，請飭籌辦團練一摺，據稱直隸、山東兩省，拳民殆徧，將及近畿，數月以來，仍未解散，請飭派員辦理團練，以弭隱患等語。所奏是否可行？著裕祿、袁世凱各